

Visoki predstavnik izrazio svoje razočarenje zbog neusvajanja Zakona o sukcesiji

Visoki predstavnik, Wolfgang Petritsch, izražava svoje razočarenje i zabrinutost zbog ponovnih opstrukcija od strane delegata srpske nacionalnosti u Domu naroda BiH. Najnoviji uznemiravajući primjer takvog ponašanja je njihovo odbijanje da usvoje Zakon o korištenju sredstava od sukcesije, što znači da će budžetu u 2002. godini nedostajati sredstava.

Zbog činjenice da je Klub delegata srpske nacionalnosti jednoglasno odbio da usvoji Prijedlog Zakona o korištenju sredstava od sukcesije, mnoge državne institucije koje su od vitalnog značaja za funkcioniranje BiH, kao što je Državna granična služba, Ustavni sud BiH, i mnoge druge, neće biti u mogućnosti da vrše svoje dužnosti za dobrobit svih građana.

Prije sjednice je postojao određen nivo saglasnosti između države i entiteta o načinu korištenja sredstava od sukcesije. Visoki predstavnik i cjelokupna međunarodna zajednica očekuju od svih delegata da poštuju ovu saglasnost. Na žalost, ovakav potez Kluba delegata srpske nacionalnosti će onemogućiti državnim institucijama da ispravno funkcioniraju, a što će ići na štetu države i svih građana BiH.